



## **Universitätsbibliothek Paderborn**

### **Instructio practica ...**

Institutiones Theologiæ Mysticæ, Seu Facilem & practicum modum  
Exercitia Spiritualia S.P. Ignatii Loyolae per octiduum faciendi - item  
triduanam recollectionem fructosè instituendi complectens, Et  
Sacerdotibus Præcipuè, aut de Sacerdotali Statu suscipiendo  
deliberantibus accomodata, Una cum ...

**Lohner, Tobias**

**Dilingæ, 1680**

Septima Dies.

[urn:nbn:de:hbz:466:1-48834](#)

*Exercitiorum.*

441

Confidera III. Quād diligentiam hactenus in ijs, vel  
præcavendis, vel cœlēndis adhibueris, aut quād deinceps  
adhibere velis. Colloquium ad SS. V.

Punctum III.

Confidera I. Quæ potissimum media conducant ad dicta  
tirania avertenda; ea videlicet, quæ Christus Matth. 29.  
indicavit, dum dixit, *Vigilate & orate, ne intretis in ten-  
tationem.* Verè enim ex defectu horum mediorum omnes  
ut plerique tentationes, malaque inde creata oriuntur, un-  
de Christus in Parabola dixit, inimicum superseminâsse zi-  
zania, cum dormirent homines.

Confidera II. Quid sit vigilare, nimirum oculos mentis  
apertos habere ad fraudes dæmonis cognoscendas; item in-  
fructum esse armis, quibus repellas inimicum ab agro. qua-  
lia arma sunt studium puræ intentionis, imaginatio præsen-  
tis Dei, contemptus sui & rerum terrenarum, amor Dei &c.  
Hec enim remedia sunt ijs vitijs, de quibus in priori punto  
mentio facta est, profligendis, & cœvendis aptissima, uti con-  
siderant patebit.

Confidera III. Quomodo hæc media hactenus adhibue-  
ris, aut certè deinceps adhibere velis. Colloquium ad Chri-  
stum. Vide Spinolam p. 2. med. 888. fol. 219.

Legatur ex lib. 3. de imit. c. 6. & illa præcipue verba be-  
ne ponderentur: scito, quod antiquus inimicus omnino ni-  
tuit impedire desiderium tuum in bono, & ab omni devoto  
exercitio evacuare. Sit tibi in cautelam & perpetuam hu-  
militatem ruina hæc superborum de se stulte præsumen-  
tium.

Pro septima Die.

M E D I T A T I O I.

D E B E N E F I C I O R E D E M P T I O N I S.

Scopus.

*Amor & Imitatio Christi patientis.*

T E s c r i p t i o n e : *Mibi autem abſit gloriari, niſi in cruce Domini  
noſtri IESV Christi.* ad Galat. 6.

E e 5

Pun-

## Punctum I.

Considera I. Parabolam de Pastore, quam his verbis Matth. c. 18. describit: *Quid vobis sidetur? si fuerint ab eis centum oves, Et erraverit una ex eis, nonne relinquit nonaginta novem in montibus, Et adserit quarere eam, qui erravit? Et si contigerit, ut inveniat eam; Amen dicitur, quia gaudet super eam magis, quam super nonaginta novem, quo non erraverunt. Considera, inquam, quoniam charitas fuerit istius Pastoris erga hanc ovem, sive voluntas ipsa querendi, sive modus & labor in querendo adhibita sive gaudium post inventionem conceptum attendatur.*

Considera II. Quantò major fuerit charitas Christi pro te, ut pote qui tot labores suscepit, tot contemptus sustinet, tot dolores exantlavit, & ipsam denique tam acerbam, & ignominiosam mortem cum summa patientia & charitate toleravit, & ita quidem, ut non minus pro te solo, quam pro omnibus hominibus simul passionis sua merita obtulerit.

Considera III. An non cum S. Augustino justissime emmare possis: *Domine, qui tibi non servit, qui a te certum est, infernū meruit; sed qui non servit tibi, qui a te certum est, meretur, ut novus pro ipso infernum fiat. Collatum ad SS. Patronos.*

## Punctum II.

Considera I. Cum amor perfectius rependi non possit, quoniam per amorem, quantopere conari debeas, ut, sicut Christus summè amorem suum erga te per passionem ostendit, tu quoque vicissim amorem tuum perfectissimè declaras.

Considera II. Quā potissimum in re amorem tuum decrare possis, & debeas, videlicet, ut tu quoque vicissim pro animam ponas, & cruci saltem spirituali te affigas; ut enim ipse Christus Joan. 15. dixit: *Majorem charitatem nemo habet, quoniam ut animam suam ponat quis pro amicis suis: hic S. Joannes 1. c. 4. in hoc, ait, apparuit charitas DEI in nobis, quoniam ille pro nobis animam suam posuit, Et nos debemus pro fratribus animas ponere; quantò magis pro ipso Christo.*

Considera III. Quā in libenter hanc mortem suscipere pro Christo debebas, maximè si quoties hanc, & longè gravitera-

se promeritus, perpendas, an non enim feres contra te ipsum sententiam, & dices: *Reus est mortis: crucifigatur?* an non exclamabis cum Lattrone *Luc. 23. Nos quidem justè, nam ligna factis recipimus, iste vero nihil mali gessit.* Colloquium ad B. V. illud cum affectu pronuntiando: *Eja Mater fons amoris, me sentire vim doloris, fac, ut tecum lugeam.* Item: *Santa Mater istud agas, crucifixi signe plagas, cordi meo Galide, tui Nati vulnerati tam dignati pro me pati, gena mecum divide.*

## Punctum III.

Considera I. Quid sit spiritualiter mori, & crucifigi cum Christo, nimirum 1. Ut omni affectu inordinato erga creaturas exutus per tres clavos, paupertatis, castitatis, obedientie cruci, id est, mandatorum & Regularum aut constitutio- num tuarum observationi te affigas; nam, ut S. Maximus ait; tota vita Christiani (utique etiam Religiosi aut Sacerdotis) si secundum Evangelium vivat, crux est, atque Martyrium. 2. Ut omnem inopiam, contemptum & dolorem (qui ut P. Balthasar dicere solebat, erant tres comites Crucifixi Christi) magna cum patientia & alacritate sustineas. 3. Ut perinde ut crucifixus aliquis aut mortuus homo, totum te alienum arbitrio & directioni committas, hoc enim est, obedientem esse usque ad mortem crucis.

Considera II. Quām meritaria & honorifica tibi apud DEVUM & homines mors hæc sit futura; si enim Abraham tantopere placuit DEO, tantumque apud ipsum meruit, quia Filium suum voluit sacrificare, quanto plus tu mereberis, & placebis, si te ipsum, quem magis, quām ullus Pater Filium suum diligit, amare debes, DEO per spiritualem crucifixionem sacrificabis? an non pretiosa erit hæc mors in conspectu DEI? an non cum Christo nomen super omne nomen accipies? an non tanquam granum emortuum afferes multum fructum in salute proximi? an non mors hæc finis erit omnium malorum, atque adeò tu deinceps audacter dices cum S. Paulo ad Galat. 6. *De cetero nemo mihi molestus sit, ega enim sigma a Domini mei IESV in corpore meo porto.*

Considera III. Quām libenter & promptè ob hos fructus te ipsum crucifigere debeas & velis. Colloquium ad Chri-

stum

stum dicendo cum S. Bernardo: *Sequar te, quicunque in meis  
michi tolli non poteris, cum meum cor abstuleris, IESU Iau  
nostris generis.* Vide Spinolam p. 2 Med. 162. fol. 417.

Legatur ex lib. 2. de imit. c. 11. & illa præcipue verba bene  
ponderentur: Habet J E S V S nunc multos amatores regi  
caelstis; sed paucos bajulatores suæ crucis. Unum tibiam  
mè necessarium est, ut omnibus reliq;is te relinquas, & in  
totaliter ex eas.

Pro septima Die.

### M E D I T A T I O II.

#### **D E F R V C T I B V S E X P A S S I O N I S D O M I N I C Æ C O N S I D E R A T I O N E R E F E R E N D I S .**

Scopus.

Item, qui in titulo.

#### Punctum I.

Considera I. Parabolam de Patrifamilias, quam in hoc  
modum S. Matthæus c. 21. commemorat: Erat Patrifam  
lia, qui plantavit Vineam, & sepem circumdedit ei, &  
digit in ea torcular, & adificavit turrim, & locavit eam  
agricolis, & peregrè profectus est. Cum autem tempus fr  
uuum appropinquasset, misit servos suos ad Agricolam,  
acciperent fructus ejus. Et Agricola apprehensis servis qu  
alium ceciderunt, alium occiderunt, alium vero lapidaro  
runt. Iterum misit alios servos plures prioribus, & fecerunt  
illis similiter. Novissime autem misit ad eos Filium suum  
dicens: Verebuntur Filium meum. Agricola autem fratres  
Filiū, dixerunt intra se: Hic est heres, Senite occidi  
mus eum, & habebimus hereditatem ejus. Et apprehens  
eum ejecerant extra Vineam, & occiderunt. Cum ergo  
nerit Dominus Vineæ, quid faciet Agricola illis? agunt illo  
Malos male perdet; & Vineam suam locabit alii Agrico  
la, qui reddant ei fructum temporibus suis. Considera in  
quam, quanta fuerit ingratitudo horum Agricolarum, &  
quanto gravior futura fuisset, si idem Filius Patrifamilia  
semel iterumque Patri pro eorum delictis satisficeret, om  
nemque eorum poenam in se transtulisset?

Co-

Considera II. Quanta haec tenus fuerit tua ingratitudo, qui vineam tam nobilem non modo neglexisti, nec tantum servos DEI, id est, Superiores, & Patres Spirituales, qui fructus à te DEI nomine exigebant, contempsisti, sed ipsum etiam DEI Filium tam gravibus, totiesque repetitis peccatorum vulneribus aut sauciasti, aut omni modo interemisti.

Considera III. Quanta sit bonitas DEI, qui non modo te pro meritis haec tenus non punivit, sed ultrò ad veniam invitat, vineamque etiam deinceps adhuc relinquere statuit, ut vel nunc tandem optatos fructus à te recipiat. Vide ergo, quomodo tantæ & Patris & Filij charitati respondeas. Colloquium ad SS. Patronos.

### Punctum II.

Considera I. Quinam sint illi fructus, quos Christus à te Patris sui æterni, immo & suo nomine exigit, nimis sequentes. Primus est, gratitudo pro collata vinea, id est, pro vocatione Religiosa aut Sacerdotali, & pro beneficio Redemptoris, per quam tibi dicta Vocatio à Christo obtenta est. Secundus est, dolor de præterita ingratitudine, negligentiisq; in vinea excolenda commissis, nec non de summa injuria, quam & Christo, & Patri ejus per peccata tam gravia, quibus passionis causa extiteras, intulisti. Tertius, fiducia, tum de bonitate DEI, tum de meritis Christi concepta. Quartus, Amor intentus erga tantos benefactores, quo nihil aliud desideres, aut agas alio fine, quam ut ipsis placeas, mutuumque erga illos amorem demonstres. Quintus, Patientia generosa, quâ & DEI, & Christi amore nihil laborum, aut misericordiarum refugias, sed omnia similia singulari cum alacritate suscipias, & sustineas.

Considera II. Quàm pretiosi sint hi fructus, & quàm accepti tam Patri æterno, quàm ipsis Christo; quàm item tibi & proximo salutares sint futuri.

Considera III. Quomodo deinceps hos fructus diligenter ex vinea tua persolvere, atque adeò præteritas negligencias compensare velis. Colloquium ad B. V.

### Punctum III.

Considera I. Quo medio deinceps uti velis ad dictos fructus

et us producendos, scilicet frequenti, imò assidua passione Christi memoriam & meditationem; nam, ut S. Augustinus 119. in Joannem dixit, *Crux Christi non tantum est letalis morientis, sed etiam Cathedra docentis, in qua virtutes omnes non tam verbis, quam ipso opere, atque adeo efficax me docentur.*

Considera II. Quam multis hoc remedium singulariter profuerit ad dictos fructus obtinendos, ut merito notissimum S. Augustinus dixerit, se in omnibus adversitatibus non invenisse tam efficax medium, quam vulnera & passioen Salvatoris, sed verè etiam alij dicere possint, se nullum salutare medium ad virtutes plantandas, & perfectionis huius promovendum fuisse expertos, quam ejusdem passionis frequentem considerationem. Hinc S. Maria Magdalena conversionem auspicanti crux ab Angelo in speluncę constiticio posita est, ut, quocunque se venteret, uuum ex myrijs passionis illi obijceretur. Sed & S. Franciscus Xaverius fassus est, se ad omnem sanctitatem præcipue crebrā vita mortisque Domini nostri meditatione accendi, ex qua descendebat in illo humanæ salutis & Martyrij cupido, tuncque se ad illius imitationem pro gloria DEI hominumque salute devovendi.

Considera III. Quomodo tu haec tenus hoc medio usus sis, aut deinceps uti velis. Colloquium ad Christum cum congruis affectibus. Vide Spinolam p. 2. Medit. 180 f. 47.

Legatur ex lib. 2. de imit. & illa præcipue verba bene ponderentur: si nescis speculari alta & cælestia, requiesce in passione Christi, & in sacris vulneribus ejus libenter habita-

pro Septima Die.

### M E D I T A T I O   I I I .

#### *D E   T R I B U L A T I O N V M   V T I L I T A T E .*

Scopus.

*Studium Patientie.*

#### Punctum I.

Considera I. Parabolam de homine seminante semen suum, quam Eccl. Matthæus c. 13. memorat: *Ex quo seminabatur, crescere non videt, sed sicut seminatur, ita crescat.*

nat, seminare semen suum. Et dum seminat, quadam ceciderunt secus viam, & venerunt volucres cali, & comedebant ea: alia autem ceciderunt in petrosa, ubi non habebant terram multam, & continuo exorta sunt, quia non habebant altitudinem terra. Sole autem orto astuaverunt: & quia non habebant radicem, aruerunt. Alia autem ceciderunt in spinas: & creverunt spina, & suffocaverunt ea. Alia autem ceciderunt in terram bonam, & dabant fructum, aliud centesimum, aliud sexagesimum, aliud trigesimum. Considera, inquam, quam convenienter per hoc semen non tantum Verbum DEI, ut Christus interpretatus est, sed etiam tribulationes, & quaecunque aliae patientiæ occasiones intelligantur; nam verè haec sunt semen bonum, quod si in terram bonam cadat, centuplum, imò millecuplum feret fructum, cum, teste S. Paulo ad Rom. 8. non sint condignæ passiones ad futuram gloriam, quae revelabitur in nobis.

Considera II. Quam frequenter etiam hoc semen vel in spinas impatiens, & indignationis; vel in petram cordis indurati, & in malitia obstinati: vel secus viam cadat, id est, absque intentione bona & ordinatione ad vitam æternam suscipiat, dum scilicet vel ex sola necessitate, vel propter vanam gloriam, aliudve motivum humanum tribulationes quandisque gravissimæ perferuntur.

Considera III. An non tu quoque hactenus dictum semen in spinas, aut petram, aut secus viam cadere passus sis, & quomodo deinceps saltem hunc errorem corrigerem velis. Colloquium ad SS. Patronos.

### Punctum II.

Considera I. Quenam sit illa terra bona, in qua semen tribulationum fructum trigesimum, aut centesimum refert, nimirum tertam bonam esse, animam in statu gratiae constitutam, que si patienter ferat tribulationes, id est, aequo, & in divinam voluntatem resignato animo, fructum trigesimum ex tribulationibus ducit; si vero etiam cum gaudio & alacritate easdem suscipiat, & cum S. Francisco Xaverio amplius, amplius clamet, sexagesimum parere censenda est; si vero etiam constanter in simili statu perdurat, tunc centesimus fructus ab illa merito sperari potest, quem quidem Chri-

Christus copiosè retulit, ut pote qui obediens factus est usque ad mortem crucis.

Considera II. Si filius hujus saceruli desiderio luci temporalis impulsu tantopere optant terram bonam, ex qua copiam messem referant, si que tot ac tantas industrias ac labores adhibent, ut terram suam bonam efficiant, quanto magis tu omnem industriam adhibere debebas, ut terram animata ad excipiendum fructuosè tribulationum semen operam fæcundissimamque efficias.

Considera III. Quomodo hac in parte te hactenus gressis, & gerere deinceps velis. Colloquium ad B. V.

### Punctum III.

Considera I. Quâ potissimum industria terram animata cundam efficere, & supra dictas tres proprietates, scilicet patientiam, alacritatem, atque constantiam inter tribulationes obtinere possis, an non præ alijs placbit, & proderit, ut vos sanguinis ex vulneribus Christi profluentes in eadem animam tuam derives? si enim aqua naturalis tanta vobis habet ad agros naturales fæcundandos, quanto magis vero hæc sanctissimo Christi Sanguini respectu terra sparsa concedenda erit? Certe S. Augustinus ser. 32. ad Faustum cremo dicere ausus est, nihil tam salutiferum esse, quam quod tidie cogitare, quanta pro nobis pertulit DEVS & homo.

Considera II. Quos per Canales derivare hos rivos in animam tuam debebas, nimirum frequenti & assidua meditatione, & applicatione, ita enim Christus ipse quondam virginem quendam Religiosum docuit, dum gravissima defolans oppreso dixit: Surge, & meam passionem devotè perfruam, & in amaritudine dolorem tuum vincas; quod ille factus mox liberatus est. Sed & alias Florentiæ Virginis cuique quæ in puteum se precipitare statuerat, ne Sodalis futuritatem diutiù ferre cogeretur, idem Christus apparet ei: Redi à te mulier parvi animi, & cogitans, quos egestatis quantosque cruciatus amore tui pertulerim, sororis tuz culas insuper habere disce.

Considera III. Quam efficax simul, & facilis sit hac industria, & quomodo tu quoque deinceps cam diligentius adhibere velis. Colloquium ad Christum. Vide Spinola, Scaventor, d. 2. Med. 186, & 187, fol. 214, & 217.

Legatur ex lib. 2. de imit. c. 12. & illa præcipue verba henc  
perpetuantur: Nihil DEO acceptius, nihil tibi salubrius in  
Mundo isto, quam libenter pati pro Christo, si quidem ali-  
quid melius & utilius saluti hominum, quam pati fuisset,  
Christus utique verbo & exemplo ostendisset.

Pro septima Die.

#### M E D I T A T I O IV.

#### DE CONSTANTIA INTER ADVERSA.

Scopus.

Studium dictæ Constantie.

#### Punctum I.

Considera I. Parabolam de viro sapiente, qui ædificavit  
domum suam supra Petram, quam S. Matth. c. 7. sic narrat:  
Omnis ergo, qui audit verba mea hæc, & facit ea assimilabit-  
ur Viro sapienti, qui ædificavit domum suam supra petram,  
& descendit pluvia, & venerunt flumina, & flaverunt  
venti, & irruerunt in domum illam, & non cecidit: fun-  
dita enim erat super Petram. Et omnis, qui audit verba  
mea hæc, & non facit ea, similis erit viro stulto, qui ædifica-  
vit suam super arenam, & descendit pluvia, & venerunt  
flumina, & flaverunt venti, & irruerunt in domum illam,  
& cecidit, & fuit ruina illius magna. Considera, in-  
quam, quam convenienter per virum hunc sapientem in-  
telligatur quisvis quidem Christianus, sed maximè Religio-  
nis aut Sacerdos, qui domum suam, id est, studium perfectio-  
ni, posuit super petram, id est, super solidum fundamentum,  
qui nesciunt, quidquid voluerit, super ædificare potest.

Considera II. Quænam sit haec petra, nimirum constan-  
tie inter adversa, que in eo consistit, ut per nullam difficul-  
tatem absterre se finiat à perfectionis studio continuando,  
sed potius, ut Thomas Kemp. I. 3. c. 25. ait, una æquali facie  
in gratiarum actione permaneat inter adversa & prospera,  
omnia æqua lance pensando.

Considera III. An tu hactenus super similem petram ædi-  
ficaveris dominum tuam; an vero potius similis fueris viro  
stulto,

stulto, qui domum suam ædificavit super arenam (medio parabola loquitur) in quam irruerunt venti, & cecidit, fuit ruina ejus magna. Colloquium ad SS. Patronos.

## Punctum II.

Considera I. Quem fructum ex tali constantia possis, scilicet, ut, licet descendat pluvia desolationum, veniant flumina tribulationum, & flent venti perfectum, non cadas animo, sed eodem tenore in virtute affectionis studio pergas.

Considera II. Quam præclarus, & quam optabilis fructus, maximè Religioso aut Sacerdoti, si enim tantius est ædificium, quanto gravior illius ruina est, adiutor magis optandum, ut firmissimè constat; quoniam optare, & conari debes, ut nobilissimum illud ædificium affectionis, quod non tibi duntaxat, sed DEO etiam adiutum & habitationem dignam præparatur, firmissima innitatur.

Considera III. Quomodo tu his motivis excitatus deinceps gerere te, & vel nunc media ad constantiam talen quirendam necessaria indagare, & studiosè deinceps aliter velis. Colloquium ad B. V.

## Punctum III.

Considera I. Quo potissimum medio uti deinceps debet ad tales constantiam obtinendam, an non placbit illa quod olim Christus S. Catharinam Senensem docuit, ut licet firmiter credas, Deum esse summè potenter, atque nihil sine illius permissione tibi evenire possit; deinde pariter credas, esse summè sapientem, ut adeò omnia, quae tibi quantumcunque adversa eveniunt, in summam utilitatem convertere possit; tandem ut æquè firmiter persuades, etiam summè bonum esse, summèque tuum amorem, ut adeò etiam velit omnia, quæ tibi accident, ad summum ordinare.

Considera II. Quam efficax sit hoc remedium, quam multorum Sanctorum, & præcipue ipsius Christi exemplum approbatum, & confirmatum, utsi qui adhibito hoc remedio licet in gravissima agonia constitutus, adeò tamen

boratus est, ut ultro obviam processerit inimicis, atque in tua passione sua summam semper constantiam praefulerit. Considera III. Quomodo tu quoque deinceps hoc medio vi velis. Colloquium ad Christum. Vide Spinolam p. 2. Med. 172. pu. 3. fol. 128.

Legatur ex lib. 3. de imit. c. 21. & illa præcipue verba bene ponderentur: Quantò melius ad patientium te disponis, tantò sapientius agis, & amplius promereris; feres quoque levius animo, & usu ad hoc non segniter paratus.

Pro octava Die.

### MEDITATIO I.

#### DE CÆLESTI GLORIA.

Scopus.

Desiderium Beatitudinis.

Tessera.

Vnam peti à Domino, hanc requiram, ut inhabitem in domino omnibus diebus vita mea. Pl. 14.

#### Punctum I.

Considera I. Parabolam de cœna magna, quam sequentibus verbis S. Lucas c. 14. describit: Homo quidam fecit Cœnam magnam, & vocavit multis, & misit servum suum horum Canæ dicere invitatis, ut venirent, quia iam parata sunt vniuersa. Et caperunt simul omnes excusare. Primus dixit: Villam emi, & necesse habeo exire, & videre illam: rogo te, habe me excusatum: Et alter dixit, juga boum emi quinque, & eo probare illa: rogo te, habe me excusatum. Ecce dimidixit: Vno rem duxi, & ideo non possum venire. Et reversus servus hac nunciasavit Domino suo. Tunc iratus Parentes filias, dixit servos suo: Exi citò in plateas, & vicos Civitatis: & pauperes, ac debiles, & Cacos, & Claudio in introduc huc. Et ait servus: Domine factum est, ut imperasti, & adhuc locus est. Et ait Dominus servo: Exi in vias & sepel: & compelle intrare, ut impleatur domus mea. Discantem vobis, quod nemo virorum illorum, qui vocati sunt, gustabit Cœnam meam. Considera, in quam, quam bene æternæ beatitudo cœnæ comparetur, ut post in qua reperiuntur

Ff 2

tur